



A COMPAGNA

DICTIS FACTA RESPONDENT

BOLLETTINO TRIMESTRALE, OMAGGIO AI SOCI - SPED. IN A.P. - 45% - ART. 2 COMMA 20/B LEGGE 662/96 - GENOVA

Anno XLVIII, N.S. - N. 4 - Ottobre - Dicembre 2016

Iscr. R.O.C. n. 25807 - Tariffa R.O.C.: "Poste Italiane S.p.A. - Sped. in Abb.to Postale - D.L. 353/2003 (conv. in L. 27/02/2004 n. 46) art. 1 comma 1, DCB Genova"

sito internet: www.acompagna.org - posta@acompagna.org - tel. 010 2469925

in questo numero:

Franco Bampi <i>No scordemose chi semmo</i>	p. 1	Isabella Descalzo <i>A Croxe de San Zòrzo</i>	» 26
<i>Biblioteca Ezio Baglini</i>	» 2	<i>Libbri riçevui</i>	» 28
Piero Bordo <i>Il monte Figogna e i sentieri con segnaletica</i>	» 3	Maurizio Daccà <i>Vitta do Sodalissio</i>	» 31
Gianfilippo Noceti <i>Il lago del Brugneto</i>	» 6	<i>I Premi de A Compagna 2016</i>	» 33
Francesco Pittaluga <i>Armatori liguri, la flotta della rinascita nel secondo dopoguerra</i>	» 10	Roberto Dalla Vedova <i>Ricordo di Pietro Maccagnolo</i>	» 34
Pietro Costantini <i>I nomi dei caróggi - terza parte</i>	» 18	<i>Contrasegni "Chi se parla zeneize!" "I Venerdì" a Paxo</i>	» 35
		<i>"I Martedì" de A Compagna</i>	» 36

NO SCORDEMMOSE CHI SEMMO

di Franco Bampi

Pe ciù de eutto secoli, Zena a l'é stæta capitale de 'n stato che, tanto pe intendise, ciamiö Republica de Zena. Za da-o 1099 co-o parteçipâ a-a primma Croxâ i Zeneixi an fæto conosce a-o mondo d'aloa de che pasta ean fæti. E a-a fin do Duxento Zena a l'ea a ciù grande potensa do Mediterraneo, saiva a dí de tutto o mondo d'aloa. E con ciù de çinqueçento colònie a governava i trafeghi con l'òriente.

Pöi, co-a scoperta de l'America (1492), o Mediterraneo, che Zena à dominòu pe di secoli, o vegne 'n lago: i trafeghi se spostan in sce l'Atlantico e o reizego d'anâ a bagno e de perde tutto o l'é grande. Ma i Zeneixi ean de longo de quella pasta e an saciuo cangiâ da mercanti (*genuensis ergo mercator*) a banchieri in graddo de prestâ sciummi de dinæ a-e ciù grende potense do mondo. Eh za, a quelli tenpi l'öo o nasceiva in America, o moiva in Spagna e o l'ea asoteròu a Zena!

Saiâ o Congresso de Vienna e a coæ de Zena che i Savöia an senpre avuo, a sospende l'existensa de 'n stato sovrano

ch'o mantegne inalteræ i diritti a ritornâ indipendente! Zena a l'ea ricca, e tanto: cosci pe giustificâ l'anescion fæta contra i diritti di pòpoli n'an contòu a fõa che o governo o l'ea decadente, ch'o no ghi-â fava ciù a tiâ avanti: tutte vesce!

Zena a l'ea capitale e a Zena gh'ea de tutto, röba e travaglio. Dixe i libbri de stöia che quande a carestia a s'abateiva in scê campagne, Zena a l'ea in graddo de dâ da mangiâ e da travagiâ a-i vilen che çercavan rescioo in çitæ. I Zeneixi, pò-u ben da Republica, s'ean scinn-a inventæ a deutta de stato pe-e figge pövie! Insomma quella a l'ea 'na Zena superba no solo pe òmmi e pe miage, ma anche perché a rispetava i atri e a se fava respetâ.

Seguo che ancheu questa Zena che ò contòu in doe paròlle, che gh'ònta testa, ma sorviatutto into cheu, se fa fadiga a atrovâla inte nòstre stradde, inti nòstri caroggi, inti quelle dixineuve çitadinn-e unie a Zena do 1926 (la Grande Genova) e che, manaman che o tempo o passa, per-